



www.BibleForChildren.org

Matyu 26




Te Sarere deli
elalubadi, te Juda
bagego bo disawai
nai bret tubo si, te
sogo pedalaibao. Te olo
bidibo sogo nogi Pasova
dao. Te Pasova sogo
pedalisiabadi, tama
Jisas te Betani be naniba
pai, te Lasarus aga bulu
dao. Te bidi Jisasgo gu
page de hodolali bidi dao.




Tilama, te we
Maria aga dwagi
yai denami ebo wel
selasa asai, dwasianu
genagide. Te wel abelabo
moni te hauwa mu, te dila pai
nai mu dao. Agai te wel
Jisas saḡa sawalide pilai.
Tama Jisas saḡa Maria
aga moni bobobage tobolu
nisigo holai. Tama te bede
bidali we bidi tigidali
augwaligo te wel denami odai.




Te wego te sanda nai Jisasgo
toboluba gelali sogo, te sogo
te 12 wali pabo bidi me deli,
te Judas te Keriot bulu bidi,
aga te genuai pris dabe
augwali bidibo digi pai.
Agai te Jisas augwali
nogoba
mawainu yai.



Augwaligo te wabo po odama, te
augwali wiegi yai homu pemene
yai. Tama augwaligo agabolo te
masigi meba maiabo po daꝯ
wai. Tama Judasgo te me
sogo te Jisas augwali nogoba
muabo sunumi me deli
gegebo sę ebo te
sogo gagalali.



Tialima, aga wali pabo bidi dabego
te Jisasgo augwalibolo wali po
selama, te tiwai yali, tama augwaligo
te Pasova tubo nai sisi ilali. Augwali
nai tudubadi, tama Jisasgo te bret
selama, tama Godibolo nage usu da
po olama, tama nogogo pebedelama,
tama aga wali bilibo bidi dabebolo
mani. Tama agai te po wai,
“Dagego selama
tuao. Te eno tigi
dao.”



Tama agai te wain aḷ munalubo kap
me deli selama, tama Godibolo
nage usu da po olama, tama
augwalibolo mani, tama te po wai,
“Dage tigidaligo te aḷ naga tuao.”
“Magi baso meni, te eno kaneme dao.
Augwaligo ena ela muyu, tama eno
kaneme gelebogo te Godigo te we bidi
ma dobola sabo gesi po te bomo
menama mu daḷ
walaibao. Eno
te kaneme
gelebogo te hauwa
we bidigo dwai sẹ ebo
te tagaliyu dagala
saḡwaibao.”



Te Jisasgo te bidi Saimonbolo weyu, te po wai,
“Saimon, Saimon, nage odao. Te dwai haubo noma
bidi nogi Satan agai dage dayu, usu sainogo, agai
God hanalu wali. Tama Godigo ‘Ao’ wali. Satango
te sę yainogo yai digi, eno nage tau sainogo, God
hanalu wali, ‘Saimon tau sao. Agai homu kolesaga
tigidali nageba mubo
sę tagalidali weyu,
nago Saimon
tau sao.’”



“Tama Saimon, nosali nage begasa, ma aselama, tama nago naga ama dabe bomo mayu daꞑ walao,” Jisasgo te po wai. Pitago Jisasbolo wai, “Genuai Bidi, ena nage dali kalabus paibao. Ena nage dali isabo me sisi yalio,” Pitago te wai, Jisas dali. Jisasgo Pitabolo te po wai, “Pita, eno nagebolo obao, e sogo hulide te ba kakaruk po wasiaꞑbadi, tama nago sela sogo waibao, ‘Eno Jisas nogi konebe.’ Te po nago waibao,” Jisasgo te po wali.




Tialima, Jisas augwali dali
gasa badu te augwaligo
nogi yali te Getsemani
teba pai. Tama aga wali
pabo bidi dabebolo te po
wai, “Dage ede dualama
bidaluao, tama ena u badu
pelama, gedu haluasa po
wagi pobao,” te po wai.
Agai te po wali, “Aya, nago
te tigidali sę ebo usu dao.”




“Eno homugo nago enaba
megi te pedalainu ebo
te dene dagala samainu
homu ebao. Tiali goli
nago te eno homu wali
me pelamuo. Menio.
Nago te naga homu
wali naga pao,”
Jisasgo te po wai.



Tama tibaso, Judasgo ami bidi hani dali, tama meba pris tuni bidigo enesigi bidi dabe dali, te Farisi bagego enesigi bidi badi, tama selama, augwali te ni sili giba dolo asai. Tama augwaligo lam dali sole dali tolasa asiyu, tama augwaligo hwjabo nai dabe dali sela asai. Tama te tamadi asai bage tomode te pris tuni bidigo se ebo bidi me deli bidai.



Tama Jisas walipabo bidi mego te bidigo dolo nogo badu olo moni kago hwaḡo togwa sawai, tama te olo tḡba tuloluai. Tiali goli, Jisasgo te sulama, te po wai, “Tagalao. Me menio.” Tama agai nogo te boi bidi oloba muai, tama te olo dwagi yai ma yai.



Te Jisasgo aga po ola silibo si da, augwaligo aga nogo
pageabi elama, sela pai. Augwaligo Jisas odasa peyu,
te Godibolo te polalubo tuni pris bidigo beba pai.

Tama Pita me augwali wali
pai. Tiali goli, aga digibulu
gana bidai. Te bage
augwaligo sia te be
mesalode nogai, sia
kedau tuenu. Tama
Pita me augwali
dali dualama, sia
te gogo tueinu
dua yali.




Tama te pris hani tuni
bidigo sę ebo bidi me
deli tede bidai, te Pitago
hwaęo olo togwali bidi
aga deli hani bidi dao.
Tama te bidi agai te po wai,
“Eno homu eno nage suali, te
nage te bidi Jisas dali te ni sili
gide bidibo eno suali.



Te mu dawe?" te po
hanalu wai. Tama Pitago
po ma weyu, hogwa
siyu, te po wai, "Ena
menio." Tama Pitago te
po obadi yaide, megi tama
ba kakaruk po wai. Tama
Pita agai Jisasgo te wali po
ma koneagasu, buluba
pelama, moni gela mu wai.




Te genuai bidi dabe augwali tigidali
hodalu, te po wai, “Jisas te kiap tuni
bidi bidibo madi selasa pao,” wai.
Te gavman tuni bidi nogi Pailat dao.
Tama tuni bidi nogi
Pailat agai Jisasbolo
hanalu, te po wai,
“Nage da, te Juda
bagego tuni bidi dawewe?”




Jisasgo te tuni bidibolo po weyu, te
po wai, “Naga digi te po obao, ena
tama dao,” Jisasgo te po wai. Tama
Pailatgo te we bidi dali po ma wai,
agai Jisas tagala palainogo
yai. Tialima, augwaligo
i weyu, te po wai, “Te
bidi ni nami agedede elao,
te bidi ni nami agade elao,”
te po ma weyu, ma weyu

yai, te Juda we bidigo.




Tama tialima, Pailatgo te Jisas
augwali Juda bidigo nogoba munama,
tama augwaligo Jisas ni pedaide
elamainogo yali. Tama tiwai, tama te ami
bidi dabe te Jisas augwa nogoba sai.
Tama selama, tama Jisas aga digi te
aga elabo ni pedai tolai, tama aga
te Jerusalem hanu tagalama, tō
me nogi Tobolu Dili te tōba pai.
Tama te Hibru pogo te
bulu du nogi
Golgota wai.



Te bulu dude augwaligo Jisas ni pedaide
elama daganai. Tama augwaligo gasa bidi
me si me Jisas dali elai. Tama me bidi
Jisas agai dolo nogo badu
eleyu, me bidi
agai pobase
nogo badu
eleyu yai.
Tama Jisas
aga tomode elai.



Tama te genuai ugwa te Moni Lotu Be tempel tomode
walaluali ugwa te tomode mu togwa pai, tama pedai si
nigai. Tama Jisasgo i bomonama mu wai, “Aya, ena
mobo eno naga nogoba
mubao,” Jisas te po tama
olama, tama aga mu isai.



Do tama da wabo side te Sabat
sogo pedelabo elalubaso, tama
megi pio te haniani nai sisi
ebo sogo elaluali. Tama
tibaso Josep aga te
Pailat bidibo be
tomoba

pelama, te aga
gesabidiba doligi
pelama, tama aga wi
me ebeo. Menio. Agai
te Jisasgo tigi sabo po
agabolo hanalu wali.



Tama Josepgo te tedela moni nami
ugwa abelama, tama agai Jisas
tigi te ni pedaide daganaluali
te aiyaba sela dulai. Tama
agai aga te tedela
ugwago bebe pelama,
tama aga te gu page
me deli tomoba
muai. Augwaligo

te gu page te
genuai ola be
masigi tomode nigai.
Tama Josepgo te
moni masigi me deli
hogogo bele pelama,
tama te ola be gu
page dedage elalubo
te paniai.




Tama nosali sogode, te Sabatde nai
sisi ebo sogo te silai madi,
tama te genuai pris bidi
dabe badi, te Farisi
dabe dali, augwali te
genuai gavman bidi
Pailat pageba
pelama, sisinigi
palio.



Augwaligo te po wali, “Genuai
bidi, dago po me deli te tibo po
wali bidi aga bidali sogo
wali po me deli megi ma
koneani. Agai te po wai,
‘Nosali te sela sogo
wabode te ena ma
hodaluabao’
wai dao.




Tama te po obaso, augwali pelama, te
gu page panialugi pai. Augwaligo te
gu page sunumi paniani
masigi daide te habu
selebo daj me deli
ilama, tama augwaligo
ami bidi dabe
mebago te gu page
Tonalumainogo
muanio.




Te Sabat side silai madi, te Sarere
hasia polali sogo te giliga pade
pedelainogo ebadi, tama te
Makdala bulu we nogi Maria
badi, te gasa we Maria
dali, augwali si te gu
page suagasainogo
asai.

Tama polo mu
genuai to mali
pedalai. Magi
baso meni.






Te Genuai Bidigo mobo bidi ensel te
dagalu tagalama, tama e tqba aiya
dulali, tama agai te ola be
gu page sunumi paniani
masigi hogogo bele
pelama, tama aga
te masigi daide
ugwadu dulalualio.



Tama te gu page tonaluali ami bidi
dabe augwaligo te tebo sulama, t
ama augwali agade wi elama,
tama augwali tigi didibili
eyu, tama augwali te
isai bidi tiwai
gagawalio, te
tqba tulalio.

Tiali goli te mobo bidi enselgo te
we sibolo te po wai, “Dage si wi
tagalao. Eno koneani, dage
sigo Jisas gegagasu asali,
te bidi augwaligo te ni
pedaide walali bidi
dao. Aga ede me
bidibeo. Aga ma
hodaluai, te tiwai
po



polobadu agai wali.
Dage sigo aga
munaluai madi
suagasao.”



Tama te we si wi homu dali elaluyu,
tama wiegi yai homu pemene dali te
geninama mu eyu, tama polo
augwali sigo te gu page ola be
tagalama, tama te ensel bidigo
wali po te aga wali pali bidi
dabebolo wagi painogo
udulama polo palio.



Tama polo Jisasgo augwali si te tude
pobadi tiaba asai, tama te po wai,
“Kigamu mu dao.” Tama te we si
paba pelama, tama aga saga
page tola selama, te we sigo
agabolo lotu po walio.





Nosali badu te wali pali bidi dabe nogo si olama saꝓaꝓo
deli te augwali dugulama nai tubadi, tama Jisas te
augwaliba pedalai. Te augwaligo agai wali poba augwa
homu daꝓ me wasiaꝓbaso, tama agai augwaliba wado
ilali. Magi baso meni, augwaligo olo te palialu, tama te
we bidi augwaligo suali, aga te ma hodaloai yali po
wabo te augwaligo homu teba daꝓ me wabeo. Genuai
Bidi Jisas agai po augwaliba pusa silama, tama Godigo
aga selasa te dagaluba holai. Tama megida, aga te
Godigo dolo nogo badude dualalu bidibao.



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krais hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝯ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝯde bidibo we bidi godolo mu eyu, tama augwali tau somainogo eyu, God agai Ogwa te e tꝯba tagala palali. Tama tiali da, tꝯde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te sꝯ yai. Godigo aga Ogwa e tꝯba tagala palali te e tꝯde we bidi po tꝯ dodolomainogo me tagala palobeo. Te menio. God aga Ogwa tagala palali da, te da tꝯde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Dadibi Bible (mps) © 2002, Wycliffe Bible Translators, Inc.
All rights reserved.

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org

www.bibleforchildren.org

